

菌耶

〔日本書紀二十九〕八年，是年紀伊國伊刀郡貢芝草。其狀似菌，莖長一尺，其蓋二圍。

〔續日本紀九〕神龜三年九月庚寅，內裏生玉來。勅令朝野道俗等作玉來詩賦。

〔續日本紀考證四〕伊藤胤長氏曰：事文類聚載宋宣和間，王將明賜策梁生芝草，車駕臨幸已久，梅雨

潤之墜地，京師無名子有爲十七字詩曰：相公新賜策梁上生芝草，爲甚脫玉來膠少，則知玉來靈芝

一名，必出古典，前人所通知，故政史亦稱之耳。谷川氏曰：按萊音來，和名之波，芝亦訓之波，見萬葉集

蓋古通用則玉來玉芝也。伊藤氏引事文類聚宋宣和間十七字詩，以證玉來爲靈芝一名，予〇村尾

檢類聚，玉作下，異本或作玉亦誤。爾伴氏曰：玉來疑玉英，見治部式來英因字體近似而譌也。諸說

非是。

〔續日本後紀四〕承和二年二月丙申，天皇御紫宸殿，右大臣從二位清原真人夏野獻芝草。一莖有兩

枝者，一枝長一尺六寸，一枝長一尺，其色紫緋相雜，每莖之末有菌，而產于大臣山莊雙岳之下，是日賜酒侍臣以賀祥

芝，賜祿有差。

〔文德實錄三〕仁壽元年八月癸亥，駿河國獻瑞草紫葉朱莖，或謂之芝。

〔鷲峯文集九〕瑞雲芝記

草中之瑞以芝爲最，故其生也倭漢俱無不慶賀之。尙舍奉御源君忠房領丹州福地山城，時城下巨木根生靈芝，葉藥重累，或橫或斜，殆三十莖，其高可一尺，其圍可五尺，實是珍奇之物也。旣而君增封移肥之前州島原城，乃知靈芝之生，豫呈吉兆乎。所謂家將與必有禎祥者也。今茲之秋，君宿衛東武之間，盛於金盤，置于牀席，以供賓客之觀，人人皆愛玩焉。余亦每應佳招，爲之屬目。君請其名之，於是細看之，則可形容者多端，或有如山者，或有如谷者，或有如洞者，或有如橋者，或有似團扇者，或有似松蓋者，或有似張鳥翼者，或有似支如意者，取彼則舍此，孰取孰舍，不可以一偏名之。於是隔席望而總視之，則髣髴